

MAJLIS MAKAN MALAM BERSAMA GRADUAN SPU 2009

Sekolah Perubatan, UMS telah mengadakan majlis makan malam bagi meraikan graduan Sekolah Perubatan 2009 yang telah lulus dalam peperiksaan Profesional baru-baru ini. Majlis ini telah diadakan pada 27 April di Dewan Nantapuan, Hotel Mercure, 1 Borneo. Pada majlis tersebut, Prof Dr Osman Ali dalam ucapan beliau mengucapkan Tahniah diatas kejayaan semua para graduan dan beliau amat berharap agar setiap graduan akan menunjukkan komitmen yang tinggi dalam menjalankan tugas dan menghadapi segala cabaran yang mendatang setelah bergelar Doktor Perubatan. Beliau berharap bakal-bakal doktor yang baru ini dapat melahirkan organisasi yang lebih matang, berwibawa, dinamik dan proaktif serta menjadi *role model* kepada orang ramai.

Hadir sama pada majlis tersebut ialah pensyarah jemputan, Prof Adjung Dr Jayaram Menon dan Prof Adjung Dr Soo Thien Lien. Majlis tersebut dimeriahkan lagi dengan persembahan karaoke daripada para hadirin. Pada malam tersebut, para pelajar dan para pensyarah menunjukkan bakat terpendam mereka. Tidak kurang juga Prof Dr Osman Ali yang turut mendendangkan lagi '**Widuri**' yang pernah dipopularkan oleh Broery Marantika. Dr Jayaram Menon turut mendapat tepukan gemuruh dari para hadirin apabila beliau bersama-sama menyanyikan lagi '**We are the world**' dengan semua para graduan. Di akhir majlis, setiap pensyarah diberi peluang untuk menyampaikan amanat dan nasihat kepada semua para graduan. Sesi fotografi turut diadakan sebagai tanda kenangan. Tahniah untuk semua!

